

Presidente di MAMBO ta splica

Pronto Plaza Nicki Habibe lo bira un plaza cu ambiente

ORANJESTAD - Di-aluna mainta riba plaza Nicki Habibe a tuma luga un show pa e bishita di prensa internacional di Argentina cu ta di bishita riba nos pais pa conoce un poco mas di Aruba.

Un evento a keda organisa cu departamento di turismo y tambe comerciantenan den caya grandi pa asina nan wak kico tur Aruba tin pa ofrece.

Invitado

20 miembro di prensa di Argentina a wordo invita y Vice Presidente di Copa Airlines pa promove actividadnan entre bishitantenan di nos isla pa participa na e sorto di actividadnan asina organisa rond di nos isla, pa experiencia e cultura di Aruba y no keda



solamente den e hotel so sra. Audrey Lacle - Croes presidente di MAMBO a bisa.

Plan pa plaza Nicki Habibe Sra. Lacle - Croes a splica di e plan pa finalisa e proyecto cu ta encera Nicki Habibe. Na e

momentonan aki trabounan ta wordo haci ariba e edificio di Nicki Habibe unda cu dentro di poco lo habri 3 luga cual ta Aki sushi, Juan Valdez y Cono Pizza. Pocopoco e edificio di Nicki Habibe lo bira un "foodmart" ca-

minda cu tin un "foodcourt" ariba e plaza segun sra. Lacle - Croes. Pafo lo pone diferente tent pa tapa solo y mesa cu sienta pa hende por sinta come pafo cu ambiente local, ariba e plaza lo bini tambe un bar pa completa esaki.

Futuro

E meta ta pa crea un ambiente amical sra. Lacle - Croes a bisa, e posibilidad pa haci esaki mas grandi mientras cu tempo transcuri ta keda habri ya cu por pone banda y organisa diferente evento den futuro ariba e plaza aki. Un ehempel di con un actividad por wordo organisa ta manera esun di dialuna ultimo cu a brinda e oportunidad na artistanan local por presenta nan souvenir traha na Aruba, algo cu sigur e plaza aki lo

yuda promove pa asina baha e cantidad di souvenir importa di nos mesun isla sra. Lacle - Croes a bisa.

Ta promove un ambiente cu ta conoci na Europa pa organisa actividadnan pafo na momento cu e tempo ta bon, aki na Aruba tin un bon tempo casi tur ora y mester probecha di esaki pa organisa mas actividad. Segun sra. Lacle - Croes ta bisa, dialuna tabata un prueba di con esaki lo bay caminda cu tur e comerciantenan ariba e plaza a coopera pa organisa esaki. Cada un di e comerciantenan presente a traha hunto pa hinca e actividad completo den otro unda cu sra. Lacle - Croes a bisa cu si traha hunto por mira cuanto por logra y asina e comerciantenan por yuda otro progresa tambe. □